

Treuliodd aelodau Clwb Sbon-
donics orig un prynhawn yn
Theatr y Werin, Aberystwyth
yn gweld perfformiad yn
portreadu rhai cymeriadau
allan o lyfrau Cymraeg.
Mwynhaodd pawb y Sbonsho
arbennig yma.

Rhaid llongyfarch aelodau'r
tîm a gymerodd ran yn rownd
derfynol y cwis ail iaith gan
roi cynnig teg a chanmoladwy
iawn. Gwell hwyl eto y tro
nesaf.

Llongyfarchiadau hefyd i Alun
Price am dderbyn cymerad-
wyaeth yng nghystadleuaeth
arlunio dan nawdd Llyfrgell
Dyfed.

Erbyn hyn mae'r plant yn cael
cryn hwyl yn chwarae gemau
tymor yr haf, sef tenis a
chriced a chael blas reit dda
arnynt hefyd.

Edrychwn ymlaen yn awr at ein
hymweliad ag Eisteddfod Gen-
edlaethol yr Urdd yng Nghwm
Gwendraeth adeg y Sulgwyn.
Yna ar Fehefin 9ed cynhelir
Ffair Haf yr ysgol am 6 o'r
gloch. Gobeithio y cawn
noson braf a llewyrchus eto
eleni.